



**ZAPISNIK O RADU 37. SJEDNICE
KOLEGIJA GRADSKOG VIJEĆA GRADA SARAJEVA
ODRŽANE 24.02.2023. GODINE**

Broj: 01-GV-02-349/23
Sarajevo, 24.02.2023. godine

Prisutni:

1. Jasmin Ademović, predsjedavajući Gradskog vijeća
2. Mirela Džehverović, zamjenica predsjedavajućeg Gradskog vijeća
3. Alma Čengić, zamjenica predsjedavajućeg Kluba gradskih vijećnika Stranke demokratske akcije
4. Vedran Dodik, predsjedavajući Kluba gradskih vijećnika „SMS-Savez za Stari Grad-Srđan Srđić“
5. Alen Girt, zamjenik predsjedavajućeg Kluba gradskih vijećnika Naše stranke
6. Muamer Mekić, predsjedavajući Kluba gradskih vijećnika Socijaldemokratske partije BiH
7. Amra Zulfikarpašić, predsjedavajuća Kluba gradskih vijećnica „Enisa Spahić-Amra Zulfikarpašić“
8. Seid Škaljić, predsjedavajući Kluba gradskih vijećnika „Narodni evropski savez (NES) - Željko Majstorović“
9. Drago Jurić, zamjenik predsjedavajućeg Kluba gradskih vijećnika „USD-BOSS“
10. Jasmin Skorupan, zamjenik predsjedavajućeg Kluba gradskih vijećnika „Korora/Skorupan“

Odsutni: Dragan Stevanović, zamjenik predsjedavajućeg Gradskog vijeća (najavljeno odsustvo), Toni Vukadin, predsjedavajući Kluba gradskih vijećnika Naroda i Pravde i Mila Eminović, sekretar Gradskog vijeća (najavljeno odsustvo)

Sjednici je prisustvovala Benjamina Karić, gradonačelnica Grada Sarajeva.

Sjednici je prisustvovala, po ovlaštenju Gradonačelnice, Aida Bajramović, rukovodilac Stručne službe za poslove kabineta i poslove Gradske uprave.

Sjednici su prisustvovali Mirjana Đanović Stanić, rukovodilac Stručne službe za poslove Gradskog vijeća Grada Sarajeva, Zinaida Beširević, šef Odjeljenja za stručne poslove u Stručnoj službi za poslove Gradskog vijeća Grada Sarajeva i Amir Vrca, šef Odjeljenja za kabinetske poslove u Stručnoj službi za poslove Gradskog vijeća Grada Sarajeva.

Jasmin Ademović, predsjedavajući Gradskog vijeća je otvorio sjednicu u 14.12 sati, pozdravio prisutne, te konstatovao kvorum za punovažan rad i odlučivanje.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno je usvojio** Zapisnik o radu 36. sjednice Kolegija Gradskog vijeća, održane dana 13.02.2023. godine.



Na prijedlog **Jasmina Ademovića, predsjedavajućeg Gradskog vijeća** Kolegij Gradskog vijeća, bez rasprave, **jednoglasno je usvojio** dnevni red 37. sjednice Kolegija Gradskog vijeća, tako da glasi:

1. Priprema za održavanje 26. sjednice Gradskog vijeća Grada Sarajeva
2. Priprema za obilježavanje 01. marta - Dana nezavisnosti Bosne i Hercegovine
3. Priprema za obilježavanje 6. aprila - Dana Grada Sarajeva
4. Tekuća pitanja

Ad 1)

Priprema za održavanje 26. sjednice Gradskog vijeća Grada Sarajeva

a. Termin održavanja sjednice i dinamika aktivnosti u pripremi sjednice Gradskog vijeća

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, **jednoglasno je usvojio** sljedeći **zaključak**:

- 26. sjednica Gradskog vijeća će se održati u **srijedu 29.03.2023. godine u Vijećnici** sa početkom u **10.00 sati**;
- Predlagači će materijale dostaviti Predsjedavajućem najkasnije u **četvrtak 09.03.2023. godine do 12.00 sati**;
- Sjednice radnih tijela, u pripremi 26. sjednice Gradskog vijeća, održavat će se **od ponedjeljka 13.03. do četvrtka 16.03.2023. godine**;
- Pozivi gradskim vijećnicima za 26. sjednicu Gradskog vijeća će se uputiti u **utorak 21.03.2023. godine**.

b. Praćenje realizacije Programa rada Gradskog vijeća Grada Sarajeva

Konstatovano je odnosno zaključeno sljedeće:

Jasmin Ademović, predsjedavajući Gradskog vijeća je informisao članove Kolegija da će Izvještaj o radu Gradskog vijeća Grada Sarajeva za 2022. godinu, čiji je predlagatelj Kolegij Gradskog vijeća, biti razmatran na 38. sjednici Kolegija koja bi se trebala održati u periodu od 02.03. do 07.03.2023. godine. Očekuje se da će Kolegij Gradskog vijeća, na 38. sjednici, utvrditi Izvještaj te da će isti biti uvršten u prijedlog dnevnog reda 26. sjednice Gradskog vijeća.

Izvještaj o ostvarivanju politike Grada Sarajeva i aktivnostima Gradonačelnice Grada Sarajeva za period 01.01. - 31.12.2022. godine, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 26. sjednice Gradskog vijeća.

Informacija o procesu donošenja urbanističkog plana urbanog područja Sarajevo (Stari Grad, Centar, Novo Sarajevo, Novi grad, Ilidža i Vogošća) do 2036. godine i obaveznoj primjeni mjera zaštite ventilacionih koridora, prema informaciji Gradonačelnice, **nije spremna** i neće biti uvrštena u prijedlog dnevnog reda 26. sjednice Gradskog vijeća uz obrazloženje Gradonačelnice da je, prema informacijama od strane Zavoda za planiranje razvoja Kantona Sarajevo, u toku izrada stručnih ekspertiza za potrebe izrade prednacrtu Urbanističkog plana za urbano područje grada Sarajeva za period 2016. do 2036. godina.

Jasmin Ademović, predsjedavajući Gradskog vijeća je informisao članove Kolegija da se planira održavanje sastanka rukovodstva Grada Sarajeva sa predstavnicima Vlade Kantona Sarajevo i Zavoda za planiranje razvoja Kantona Sarajevo, a radi stvaranja uslova za nastavak rada Grada Sarajeva, na donošenju provedbene planske dokumentacije.

Izvještaj o radu Pravobranilaštva Grada Sarajevo, prema informaciji iz Pravobranilaštva Grada Sarajeva, **je spreman** i očekuje se da će biti uvršten u prijedlog dnevnog reda 26. sjednice Gradskog vijeća.

Izvještaj o izvršenju Budžeta Grada Sarajeva za 2022. godinu, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 26. sjednice Gradskog vijeća.

Izvještaj o provođenju Odluke o utvrđivanju i načinu sufinansiranja sportskih manifestacija od posebnog interesa za Grad Sarajevo u 2022. godini, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 26. sjednice Gradskog vijeća.

Informacija o uspjehu učenika srednjih škola na području grada Sarajeva u školskoj 2021./2022. godini, prema informaciji Gradonačelnice, **nije spremna** i neće biti uvrštena u prijedlog dnevnog reda 26. sjednice Gradskog vijeća uz obrazloženje Gradonačelnice da nadležna služba još uvijek nije dobila potrebne informacije o uspjehu učenika srednjih škola na području Grada Sarajeva u školskoj 2021./2022. godini od Ministarstva za odgoj i obrazovanje Kantona Sarajevo.

Informacija o upisu učenika u srednje škole sa područja grada Sarajeva u školskoj 2022./2023. godini, prema informaciji Gradonačelnice, **nije spremna** i neće biti uvrštena u prijedlog dnevnog reda 26. sjednice Gradskog vijeća uz obrazloženje Gradonačelnice da nadležna služba još uvijek nije dobila potrebne informacije o upisu učenika srednjih škola na području Grada Sarajeva u školskoj 2022./2023. godini od Ministarstva za odgoj i obrazovanje Kantona Sarajevo.

Informacija o realizaciji projekta „Izrada glavnog projekta rekonstrukcije i adaptacije objekta bivše zgrade SDK kod Vječne vatre u Sarajevu“, prema informaciji Gradonačelnice, **nije spremna** i neće biti uvrštena u prijedlog dnevnog reda 26. sjednice Gradskog vijeća uz obrazloženje Gradonačelnice da je projekat u procesu izrade, te da je fokus pri izradi projektne dokumentacije stavljen na fazu koja se odnosi na tekuće održavanje fasade objekta bivše zgrade SDK, s ciljem pristupanja ishodovanja dozvola za radove tekućeg održavanja, koje bi se provodilo u saradnji sa Evropskom komisijom u toku građevinske sezone 2023. godine te će Informacija biti predložena za razmatranje na aprilskoj sjednici Gradskog vijeća.

Izvještaj o provođenju Odluke o spomencima od značaja za Grad Sarajevo za 2022. godinu, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 26. sjednice Gradskog vijeća.

Prijedlog Odluke o davanju saglasnosti na Program aktivnosti Dana sjećanja na žrtve zločina protiv čovječnosti u Prijedoru i njegovoj okolini, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 26. sjednice Gradskog vijeća.

Informacija o realizaciji projekta izgradnje poslovno ugostiteljskog objekta Vidikovac, prema informaciji Gradonačelnice, **je spremna** i očekuje se da će biti uvrštena u prijedlog dnevnog reda 26. sjednice Gradskog vijeća.

c. Novi prijedlozi

Benamina Karić, gradonačelnica Grada Sarajeva je upoznala članove Kolegija da će za 26. sjednicu Gradskog vijeća predložiti i sljedeće materijale:

1. Informacija o izradi plana integriteta i realizaciji aktivnosti na suzbijanju korupcije u skladu sa odredbama Zakona o prevenciji i suzbijanju korupcije u Kantonu Sarajevo
2. Izvještaj o utrošku sredstava tekuće rezerve za 2022. godinu
3. Informacija o realizaciji projekta izgradnje i rekonstrukcije dječijih igrališta na području Grada Sarajeva
4. Informacija o realizaciji projekta izgradnje mreže za odvodnju fekalnih otpadnih voda od objekta lociranog uz dolaznu stanicu Trebevičke žičare
5. Informacija o aktivnostima na obnovi vrtića Agan Bostandžić na Širokači
6. Informacija o aktivnostima Grada Sarajeva na pružanju pomoći nastradalim u zemljotresu koji je pogodio Tursku i Siriju

U raspravi koja je uslijedila vezano za pružanje pomoći Grada Sarajeva nastradalim u zemljotresu koji je pogodio Tursku i Siriju učestvovao je **član Kolegija Seid Škaljić**.

Ad 2)

Priprema za obilježavanje 01. marta – Dana nezavisnosti Bosne i Hercegovine

Jasmin Ademović, predsjedavajući Gradskog vijeća je podsjetio članove Kolegija da slijedi obilježavanje 01. marta - Dana nezavisnosti Bosne i Hercegovine, te pozvao **Benjaminu Karić, gradonačelnicu Grada Sarajeva** da informiše članove Kolegija o programu obilježavanja 01. marta - Dana nezavisnosti Bosne i Hercegovine.

Benamina Karić, gradonačelnica Grada Sarajeva je informisala članove Kolegija da će se zajednička svečana akademija Kantona Sarajevo, Grada Sarajeva i općina sa teritorije Kantona Sarajevo održati **u utorak 28.02.2023. godine u 17.00 sati u Vijećnici**. Gradonačelnica je upoznala članove Kolegija sa planiranim programom svečane akademije. Također je informisala članove Kolegija da će gradskim vijećnicima za dan 01.03.2023. godine biti dostavljen protokol polaganja cvijeća.

Ad 3)

Priprema za obilježavanje 6. aprila – Dana Grada Sarajeva

Jasmin Ademović, predsjedavajući Gradskog vijeća je podsjetio članove Kolegija da je Odlukom o davanju saglasnosti na Program obilježavanja 6. aprila – Dana Grada Sarajeva u 2023. godini propisano da Gradonačelnica može vršiti izmjene i dopune Programa.

Predložio je da Gradonačelnica informiše članove Kolegija kako teku pripreme za realizaciju Programa.

Benamina Karić, gradonačelnica Grada Sarajeva je upoznala članove Kolegija da se, do sada, nije odstupilo od Programa obilježavanja 6. aprila – Dana Grada Sarajeva u 2023. godini.

Ad 4)
Tekuća pitanja

Prijedlozi kandidata za radnu grupu za izradu Poslovnika Gradskog vijeća Grada Sarajeva.

Jasmin Ademović, predsjedavajući Gradskog vijeća je podsjetio članove Kolegija da, u skladu sa zaključkom Kolegija sa 36. sjednice održane dana 13.02.2023. godine, klubovi gradskih vijećnika trebaju dostaviti prijedloge članova koji će činiti radnu grupu za izradu Poslovnika Gradskog vijeća Grada Sarajeva.

S tim u vezi, Klub Naše stranke je za članicu radne grupe predložio zamjenicu predsjedavajućeg Gradskog vijeća Mirelu Džehverović. Međutim, na 36. sjednici Kolegija Gradskog vijeća zaključeno je da će radnu grupu činiti Komisija za Statut i akte i članovi iz klubova gradskih vijećnika koji nemaju svoje predstavnike u Komisiji za Statut i akte, a Naša stranka ima već dva svoja predstavnika u Komisiji za Statut i akte.

Također je informisao članove Kolegija da je Klub gradskih vijećnika „Amra Zulfikarpašić i Enisa Spahić“ predložio da članica ove radne grupe bude Enisa Spahić.

Podsjetio je predsjedavajuće klubova gradskih vijećnika da je potrebno da klubovi gradskih vijećnika dostave svoje prijedloge, u što kraćem roku, obzirom da će na narednoj sjednici Kolegija Gradskog vijeća biti razmatrano formiranje ove radne grupe.

Jasmin Ademović, predsjedavajući Gradskog vijeća je podsjetio članove Kolegija da je poziv za 25. sjednicu Gradskog vijeća koja će se održati **u Ovalnoj sali Gradskog vijeća Grada Sarajeva u srijedu 08.03.2023. godine sa početkom u 10.00 sati** upućen gradskim vijećnicima te da će sa sjednice biti isključena javnost.

Obzirom da pod ovom tačkom dnevnog reda nije bilo novih prijedloga za raspravu, **Jasmin Ademović, predsjedavajući Gradskog vijeća** je zaključio sjednicu Kolegija Gradskog vijeća u 14.35 sati.

SEKRETAR GRADSKOG VIJEĆA

Mila Eminović

PREDSJEDAVAJUĆI GRADSKOG VIJEĆA

Jasmin Ademović, s.r.